

CHANSON COMPOSET

Var sujet eun Den yaouank ag e Vam ag e beder Mestres

ER BLOAVEZ MIL NAO C'HANT TRI

(Var eun ton nevez)

A boe 'noad a dri bla
Me oa mamet minor
C'hoant a meus da ziskleria
Eul loden deus ma sor.

C'hoant meus da ziskl'eria
Darn demeus ma bue
P'hini meus tremenet
Bete an de a c'hirie.

Gant an derrien a gredan
O oa marved va zad
Ma mam a chom intanvez
C'hi devoa kalonnad.

Pa chom e intanvez
Gant e sez krouadur
He c'halon voa feblisset
Gant an displijadur.

Seiz minor chome gant hi
Deus ar re yaouanka
Ar c'hossa oa unneg vloa
Me na oan nemet tri bla.

D'ar c'houls e me oa yaouank
Bian em jagkeden
Allas me na ouien ket
Petra ma da dremen.

Deus ar beure pa saven
Me mijé kalonnad
Pa deue da sonj din
E oa maro ma zad.

Mes va mam leun a gourach
Onnes am c'honsolle
Hi a lare din bemde
Mije eur brago neve.

Gred oa din eur brago
O oa gret gant lien
Evel ma oa ar c'his
Guechall gant ar bevien.

Guisket ma ma brago
Ed a oan da bournen
Ed a oan da guinaoua
Da dy n'ammezeien.

Bed a ma guenneien
Bed a ma avalo
Tout an dud lare din
A oa drol ma brago.

Hennes oa eur brago
Nan na oa ket gret propr
Un anter demeus e fons
A oa laket arok.

Ar brago se oa gret
Din, gant ma c'hoar kossa
Ne oa ket kemeneres
Ouie ket a dailla.

Mes pa oan deut en noad
Da roula ar iaouankis
Me a ma bet eur brago
Ag a oa deus ar c'his.

Neuze me e bate
Kemerre plijadur
Ma zud a oa demeet
Et gant o avantur.

Demeet oa ma dri breur
Demeet ma diou c'hoar
Eur breu al chome ganen
Da labourat douar.

Om daou chomomp gant om mam
Da serc'hel e menach
Emesk al labour, ar boan,
An tempas ag an norach.

Aben eur pennad goude
Oan skouisset o labourat
Rag onnes so eur vicher
Ne oa ket deus ma grad.

Ma sonjet voeaji
A mont kuit deus ar guer
Ag a rajen ma fortun
Ebars em ber amzer.

Ne oan ket bet er skol
Ma ket a siskamant
Ag an draze a re din
Eun tam diazamant.

Prenet ma eur c'haier
Ag eul leurric bian
Ma disket skriva a len
A c'hanoun va unan.

Raktal en eun instant
A oa deut em spered
Ma c'hajen da veaji
E tiskjen ar gallek.

Ouijen skriva a len
A gout an daou langagh
A gonit ma fortun
Se zo eun avantach.

Va mam pa deus klevet
Hi a lare dime
Petra emei ma buguel
Petra a sonjes te.

Me meus dioerred da dad
Savet sez krouadur
Te a c'he ma yaouanka
Te ra ma flijadur.

Mar kes er maes ar vro
A dilesel ar guer
Me vo oblijet neuze
Da verza ma mobilier.

A goude kemesse
Da beleac'h a c'hinme
Vint toled a distoled
D'an eil ti d'éguile.

Chom ganen tre ma vin beo
Doue roio did chans
D'ober afferiou mad
Goude en abondans.

Pa meus klevet va mam
Gant e c'homzo agreabl
E strinkas an dero
Demeus va daou lagad.

Me o chans a santimant
O sonjal chom ganti
A goude vije maro
C'hajen da voeaji.

Va mam oa arri koz
Alies vije klanv
Bet a deus eur c'hlevet hir
Eunek pe daouzek vloa.

Aben daouzek vla goude
Ma mam deu da verval
Gras ma mam er barados
Er joayo eternel.

Ma breudeur, ma c'hoarez
Neuze deuas d'ar guer
Da c'houlen o fartach
Demeus ar mobilier.

Guersed oa ar mobilier
Partajet an arc'hant
A pebhini gant e lod
Renke bea kontant.

Eur breur al ma er guer
Asambles ganeme

Ag henes oa demeet
Aben eur mis goude.

A me o sonjal neuze
Pa oan c'hoas pot yaouank
Ma ragen eur marc'hadour
E c'honejen arc'hant.

Bet on marc'hadour fao
Marc'hadour pabioles
A marc'hadour pis glaz
Marc'hadour patates.

Marc'hadour avalo
A marc'hudour boësson
Anvet oan pot ar gist mad
Bars en ker Lannion.

Marc'hadour kos dillat
So hanvet flipiri
Onnes so 'r vicher vad
Neb a oar anezi.

An neb a bren marc'hat mad
A goude guerza ker
Enes ra e fortun
Ebars en ber amzer.

Bet on marc'hadour koat
Marc'hadour plous pe golo
Marc'hadour lunedo
A marc'hadour moncho.

Marc'hadour tolenn
Karteno, monaiter
A chansonno a œrzen
Ia, pa mijé amzer.

Marc'hadour bric a brac
So anvet merseri
A pa vije hir an nos
Me a rê komedi.

Oeajet meus Bretagn
En ker a var ar mes
Gant ma vilosiped
A ma marc'hadourez.

Ve se on deut aben
Da c'houit ma fortun
En eur lezel ar boesson,
Ar merc'het hag ar buntnn.

Neb a neuz è c'homposest
So e ano Jean-Louis
A zo gannet e Plestin
Kichen Toul-ar-Hiry.

E ano pen da ben
E Jean-Louis Guyader
A ra e zemenrang fix
En paros Treduder.

Breman e neus choajet
Eur vicher ar vrava
Pa ve skuis o labourad
A chom da ziskuiza.

Ones so eur vicher
Ag am gra disourci
Vank din met eur Varijeann
Kontant da zemezi.

Peder mestres a meus bet
A oa deus a Dreguer
Mes iaooankic a oant c'hoas
Ouient ket o micher.

Mes iaouankic a oant c'hoas
Ouient ket ho micher
C'heink gant losten o c'hivis
Da diskenn ar goter.

Un a ne so Perrinic
Ag eben Mari-Jeann
Unan al so Mari-Louis
Ag eben Mariann.

Na c'houllan ket diskleria
Piou a c'he ar reze
Un anhe a meus klévet
A stote ne guele.

Ag unan al anheze
A blije din er fad
Ag ones a mijé bet
Peneverte e zad.

An diou al a meus klévet
A blije dê guinardant
Se zo kos din c'bon chommet
C'hon chomet pot yaouank.

DISPUT EVIT EUN NOSVEZ SOUBEN AL LES

VAR DON : *Souben al Les Guinardant.*

Pévar deus ar re capabl
 A so bars er vanden
 A c'houlenner brêman
 Da zouguen ar souben.
 Eomp gant ar souben
 Da ober eur pourmen,
 Om-man a so trempet
 Deus toul an danserrien
 Greomp gant ar souben,
 Greomp an dro d'ar pors,
 An dro da c haleuri
 Ag an dro da liors.
 Eomp gant ar souben
 Da dal kichen an nor,
 Ag eno pa vemp arri
 Ni c'houlenno digor.

Aman rer eun disput

Bis pa ve c'hoant

GOULEN E MES

Digoret din an nor
 Mar be d'ho madeles
 Arri omp da of déc'h
 Deus om souben al les

EN TY

An nor man so prennet
 Gant clochedo arc'hant,
 Homan vo ket digoret
 Ken a vesomp kontant

E MES

Klêvet e meus laret
 O ia ^{gant} k'els a dud,
 Evit que...

Eun devez a lavaras sur d'o xam na d'e ded

E voas kontant pell so
 D'or gane eun disput
 Hirrie homp n'eur gavet,
 C'heomp da gommans ganthi
 Mes an hini a gollo
 A renko regali.

EN TY

Gredan ket ma mignon
 A ouifes te an discour
 Bea peus kainaradet
 Ase deus da sikour.
 Me gret oc'h deut ase
 Vel eur vanden leron
 Ma c'hari ar jenda met
 Hefet tout d'ar prison.

E MES

N'im n'om ket deud aman
 En avis d'ober poan,
 Ni so deud dor eur pourmen
 Pa c'he débet om c'hoan,
 Met pa zeme daou zen
 En ker a voar ar mes,
 C'héomp goude om c'hoan
 D'or d'hê souben al les
 C'heomp goude om c'hoan,
 D'or d'hê souben al les.
 Neuze ve ar vreg yaouanck
 Kals gue^{loc'h} magueres
 An n'oac'h yaouank c'hou oar
 Pa neve souben vad
 A raio eur c'havel
 Ezed da rusquellad.

EN TY

Ma man ganet ar souben
 Aman man ar boesson
 Ma pijet bed eur bannac'h
 Raffe vad da kalon,

Ma pijet bet eur bannac'h
 Ouijes an diskourio
 Pije laret din pet men
 So c'hor tour Plouilliau.

E MES

Bea so pévar c'chant mil
 A tri-ugent a deg
 Ag an hini brava
 So laket var ar beg,
 Ha var goure eur groas
 A varn'hi eur c'hok koerv,
 Ag enes a ganfe did
 Ma lakfes da fri 'ne reor.

EN TY

Te so eur pot a veg
 A sort did na neus ket
 Mes lavar din penos
 E plijfen d'ar merc'het
 An dra-se plijfe din
 Me meus eur bonn ami
 Ag a meus c'hoant komz dezi
 Demeus an demezi.

E MES

Assa ta va mignon,
 O ma peus c'hoant de c'haout
 Ne na ket da goms dei
 E c'housout goro saont,
 Koms dei a komzo brao
 Frott a n'hei deus arok
 Velse e sao d'ar merc'het,
 Peur liessa c'hoant pot.
 Koms dei deus an toutou
 O ia dre gomzo fur
 A komz dei alies
 Dens articl ar blijadur.

EN TY

Lar din ta va mignon
Penos a ves capabl
Da laket tregont goa
Da bourmen dre eur prad,
Da lakat tregont goa
Da bourmen dre eur prad,
Hep ma teufe hini n'hé
Da zon'ed da gac'had.

E MES

O ia me laro did
la penos a ve gret
Fri an eil e reor eben.
A n'hé a ve laket
Fri an eil e reor eben
A dalec ar guenta
A da fri-te vo lake t,
En hini divea.

EN TY

Te deu d'am insulti,
Gredan ket e c'hout fur,
En de-all ma gueled anout
Bars en berret Plufur,
En de-all ma guelet anout
Bars en berret Plufur,
Tronchet ganet da rochet
O fliste dreist ar vur.

E MES

Petra larres-te din
Te n'out ket kals furroc'h,
En de-all ma guelet anout
Tal kichen traon ar roc'h,
En de-all ma guelet anout
Tal kichen pont ar iar,
Gant un noten c'halek
Te pa spac'het da c'hoar.

EN TY

Petra leres-te din,
Te lar din eur rêsô
So capabl d'am c'hondaomni
A d'am c'hass d'ar prison.

Mes tout an dud so aman
Presant deus da klêvet
Tout e teufont da laret
E c'hout te eur gaouyet,
Tout e teufont da laret
E c'hout te eur gaouyet,
Ne ket gant tammo halec
Ve spac'het ar merc'het.

E MES

Me a meus klêvet laret
'Rok an de a hirie
Ouies te lak ar gaou
En plas ar virione.
Gout a ouzout ober
Bremen me a oel skler
Me a gret gant an amzer,
Te rai eur merc'heter,
Te so eur pot a veg,
Ag ar merc'het a gred
Goude po gred betisso,
Te n'ho c'hemerri ket.

EN TY

'Rok an de a hirie
Me meus bet klêvet
Eres te brao d'ar merc'het
A gonverse ganet
Na ves te bet met seiz mis
Deus ho darempredi,
Te laka dê o beguel
E tal kichen ho fri.
E lakes de ho beguel
E tal kichen ho fri.
Re ver ho roben arok
A re hir deus adre.

E MES

Te so eur pot capabl
Te peus eur gueno mad,
Ma vijes te e Plestîn
Te a piye bet grad
Gant goel ar Republik
Ma c'hafes da Plestîn
Te ve laket da c'heno
D'ober eun tabourin.

EN TY

Ma teufes te d'ar pardon,
Da bardon Lanvellec,
Te ve lakej da déod
D'ober eur glérinett.

E MES

Deus klêvet da brepojo
Te a voar an diskour
Red è din koll ganed
Ma na deu den d'am zikour.
Mes digorr din an nor
Ma mignon me ho ped
Dissul a vi regalet
Goude an ofern bred.
Mes pa po c'hoant ma mignon
Da ziski rimou kaer,
Po kemet n'em adressi
Da Jean-Louis Guyader,
Ag en's a zisko did,
Ia, rimou c'hir a moan (*bis*)
Pa deuio c'hir an nos
Er goan goude koan.

*Aman tigorfer an nor, vit
antren en ty da rei souben al
les.*

Propriété réservée.

GUYADER JEAN-LOUIS

*ganet e Plestîn
e kichen Toul-ar-Hiry.*